



Sa jučerašnje dodjele certifikata u Sarajevu

Foto: S. GAVRILOV

Školu računara završilo 200 žena

U novembru lani bile su 187.034 nezaposlene žene, što je 4,39 posto više u odnosu na 2009. godinu

Putem projekta „Socijalna, preduzetnička i e-inkluzija nezaposlenih žena starijih od 40 godina“, školu računara završilo je oko 200 žena koje su stekle pravo na međunarodno priznati certifikat ECDL start, koji im je jučer uručen. Direktor Instituta za edukaciju EKOS Vanjskotrgovinske komore BiH Faruk Jasarević istakao je da je, nakon završetka ECDL start škole računara, 200 nezaposlenih žena starijih od 40 godina pohađalo i školu malog biznisa, koja se odnosi na sticanje vještina za samozapošljavanje i aktivno traženje zaposlenja.

On je naglasio da je ovaj projekt, koji je počeo 15. septembra, završen 25. januara i predstavlja prvu fazu, koja otvara vrata za narednu VTKBiH, Fondacije za socijalno uključivanje u BiH i federalnog Zavoda za zapošljavanje na realizaciji istih ili sličnih projekata u ovoj godini.

Direktor federalnog Zavoda za zapošljavanje Miralem Šarić istakao je da je u 2009. godini u Federaciji BiH bilo 179.168 ne-

zaposlenih žena, što je 2,51 posto više nego u prethodnoj godini, dok su u novembru lani bile 187.034 nezaposlene žene, što je 4,39 posto više u odnosu na 2009. godinu.

- Ovo jasno govori o povećanju i stalnom rastu broja nezaposlenih žena iz godine u godinu, rekao je on.

Dodao je da su šanse za zapošljavanje žena iznad 40 godina starosti minimalne, jer među poslodavcima prevladava mišljenje da su znanja i vještine tih žena ograničene, zato što su one završile obrazovanje kada se sistemu institucionalnog obrazovanja malo pažnje posvećivalo digitalnoj pismenosti. Prema Šarićevim riječima, danas je praktično veoma teško naći zaposlenje ukoliko se ne posjeduje osnovna vještina u korištenju računara, jer se u većini oglasa, osim radnog iskustva, kao uslov za zasnivanje radnog odnosa traži dodatno znanje i vještina, a najprije poznavanje rada na računaru.